



Inatsisartut
UPA 2015 74/75/76 pillugu

UPA 2015 74/75/76 imarsiornerup isumannaatsuunissaa pillugu inatsisip, ilisimasortaqarnermut inatsisip ilaasa aamma imaani aqqartartutut sulineq aamma aqqartartut atortui il.il. pillugit inatsisip atuutsinneqalernissaat pillugu suliap ingerlaneranut allakkiaq

23-01-2015
Sags nr. 2015-110465
Dok. nr. 1284128

Postboks 909
Tlf: 34 50 00
3900 Nuuk
Email: ISAN@nanoq.gl
www.nanoq.gl

Allakkiami imarsiornermut inatsisip aammalu inatsisit allat assigiinngitsut pillugit inatsisissatut siunnersuutit, kunngip peqqussutai kiisalu nalunaarutit aalajangersimasut pillugit tusarniaanerup ingerlanera nassuiarneqarpoq.

Inatsisini allannguutit imarsiornermut inatsisip aamma inatsisit allat assigiinngitsut allannguuteqartinneqarnerat pillugu inatsisissatut siunnersuummi nassuiarneqartut atuutsinneqalernerat, imminermini issittup imartaani imarsiornerup isumannaatsuunissaanut maleruagassanik sukannerulersitsinermik malitseqanngilaq. Kisianni inatsisit allannguuteqarnerannut malitseqartitsilluni nalunaarutinik atuutsitsisoqalissaaq, taakkunani sukannerulersitsinerit aalajangersimasut aalajangersarneqassallutik.

December 2012: Imarsiornermut inatsisip aamma inatsisit allat assigiinngitsut allannguuteqartinneqarnerat pillugu inatsisissatut siunnersuut Imarsiornermut Ataatsimiititaliamut tusarniaassutigalugu nassiunneqarpoq¹.

Decembarimi 2012 Søfartsstyrelsi Imarsiornermut inatsisip aamma inatsisit allat assigiinngitsut allannguuteqartinneqarnerat pillugu inatsisissatut siunnersuummut missingiut nassiuppaa. Nassiunneqartut tassaapput sinaakktissatut inatsisinut missingiut, Folketingimut saqqummiunneqartussaq. Sinaakktissatut inatsimmi imarsiornerup isumannaatsuunissaanut aalajangersakkat arlallit allannguuteqartinneqarput aammalu Inuussutissarsiornermut siuariartortitsinermullu ministerip issittup imartaani imaatigut angalanissamat piumasaqaatinik sukannerulersitsisunik nalunaarutinik atuutsitsilernissaanut inatsisitigut tunngavissat aalajangersarneqarlutik. Sinaakktissatut inatsit taanna, allannguutit Kalaallit Nunaanni pissutsit pisariaqalersitai ilanngullugit, kunngip peqqussutaatigut Kalaallit Nunaannut atuutsinneqalersinnaavoq.

Inatsisissatut siunnersuut decembarimiit januaarimut Imarsiornermut Ataatsimiititaliamut tusarniaassutigineqarpoq. Ataatsimiititaliami ilaasortat ilai

issittumi imaatigut angalanermi isumannaallisaanikkut piumasaqaatit sukannererusut aalajangersarneqarnissaat pillugu pilersaarutinut isornartoqartitsipput. Isornartorsiuinermi ilaatigut ilisimasortaqtitsisartut EU-/EØS-mi nunani angerlarsimaffeqartussaanut isorineqarpoq. Taamaattoq Søfartsstyrelsen tamatuma kingorna nalunaarutigaa ilisimasortaqtitsisarneq naalagaaffimmi suliffeqarfimmut DanPilot-imut suliakkiunneqanngitsaq, kisiannili ilisimasortaqtitsivinnit allanit suliarineqarsinnaasoq, tassani ilaallutik kalaallit.

Imaani angalanerup isumannaatsuunissaanut piumasaqaatit sukannerulersinneqartut aallaqqaammut umiarsuarnut ilaasartaatinut 250-it sinnerlugit ilaasoqartartunut atuutissapput. Tassunga atatillugu Visit Greenland-ip uparuarpa piumasaqaatit umiarsuarmik sinersorlutik takornariartitsisarnermik inuussutissarsiuuteqartunut sunniuteqarsinnaasut, inuussutissarsiortut aningaasartuuteqarnerulersinnaallutik tamatumalu malitsigisaanik umiarsuit sinersorlutik takornariartitsisartut tikittartut ikinnerulersinnaallutik. Taamaattoq piumasaqaatit sukannerulersut umiarsuit sinersorlutik takornariartitsisartut ikilinerannik malitseqqassanersut oqaatigissallugu suli maannakkut siusippallaarpoq.

Januar – juli 2013: Suliap ingerlanissaanut pilersaarut isumaqatigiissutigineqarpoq, ilisimasortaqtarnermut aaqqissuusaq pillugu isumasioqatigiinneq aammalu Søfartsstyrelsen Imarsiornermut Ataatsimiititaliaq ataatsimeeqaligalugu

Imarsiornermut inatsisip aamma inatsisit allat assignngitsut allannguuteqartinneqarnerat pillugu inatsisissatut siunnersuutit annertummata, soqutigisaqartut arlallit nalunaarput najoqqutassat nassiunneqartut kingunerisassaasa paasisimalernissaat ajornakusoortoq. Tamatuma kingunerisaanik inatsisit nassiunneqartut imarisaannut aammalu soqutigisaqartut kalaallit peqataatinneqarnissaannut tunngatillugu paasiuminarnerulersitsinissaq siunertaralugu Namminersorlutik Oqartussat Søfartsstyrelsimut saaffiginnipput. Tamatuma malitsigisaanik Namminersorlutik Oqartussat aammalu imarsiornermut suliassaqarfimmi soqutigisaqartut peqataatinneqarnissaannut pilersaarusiortoqarpoq. Tamatuma saniatigut Namminersorlutik Oqartussanit aallartitat oqartussaasut attuumassuteqartut soqutigisaqartullu allat peqatigalugit isumasioqatigiinnermut peqataapput, tassani siunertaalluni ilisimasortaqtitsisarnerup oqallisigineqarnissaa, ilanngullugu ilisimasortat ilinniartitaanerannut piumasaqaatit. Kiisalu Søfartsstyrelsen Nuummi juunip aallartinnerani ataatsimiinnermi nalunaarutinut aalajangersimasunut pilersaarutit saqqummiuppai.

3. juli 2013: Kunngip peqqussutai Imarsiornermut Ataatsimiititaliamut, Aningaasaqarnermut Naalakkersuisoqarfimmut kiisalu Inuussutissarsiornermut, Aatsitassaqarnermut Suliffeqarnermullu Naalakkersuisoqarfimmut (ISIIN) tusarniaassutigalugit nassiunneqarput

Kunngip peqqussutaasa imarisaasa inatsisissatut missingiutit december 2012-imi aamma januar 2013-imi tusarniaalluni nassiunneqartut assignmagit, oqaaseqaatinik annertunerusunik nassiussisoqanngilaq.

ISIIN ilisimatitsivoq ISIIN-ip nalunaarutinit missingiutit suliarineqartut peqqussutini inatsisitigut tunngaveqartumik suliarineqartussat, ilaatigut uuliasorfiutileqatigiiffinnut Kalaallit Nunaanni misissuinissamut pisinnaatitaaffeqartunut tusarniaassutigalugit nassiussimagai. ISIIN-ip oqaatigaa uuliasorfiutileqatigiiffinnit annertuumik isornartorsiuisumik imaqartunik tusarniaanermut akissuteqaateqartoqassappat, siullermeerinninnermi allannguutissatut siunnersuuteqartoqassanersoq isummernissamut Naalakkersuisut periarfissaqartariaqartut. Taamaattoq tassunga atatillugu oqaatigineqassaaq, isumannaallisaanermut piumasaqaatit sukannerulersinneqartut aallaqqaammut taamaallaat umiarsuarnut 250-it sinnerlugit ilaasoqartartunut sammitinneqarmata. Taamaattumik tamatumunnga taarsiullugu inassutigineqarpoq, uuliasorfiutileqatigiiffiit attuumassuteqartunik isornartorsiuisunik oqaaseqaatissaqarsimappata, taakkua nalunaarutit suliarineqarneranni Søfartsstyrelsimut qaqinneqassasut.

5. juli 2013: Nalunaarutinit missingiutit suliarineqartut imarsiornermut suliassaqarfimmi soqutigisaqartunut nassiunneqarput

Tassani taakkua nalunaarutit aalajangersimasut imarisaannut allannguutissatut siunnersuuteqarnissaminnik periarfissinneqarput, taamaalilluni nalunaarutit Kalaallit Nunaanni pissutsinut naleqqussarneqarsimanissaat qulakkeerneqassalluni. Inatsisartut peqqussutinik atuutsitsilernissaq toqqassappassuk, nalunaarutit 2015-imiit atuutilersinnaapput. Atuutsitsilernermit atatillugu suliniutit ilaannut tunngatillugu atuutsitsiartuaanermut piffissamik pisariaqartitsisoqarnerisq isummerfigineqassaaq, taamaalilluni inuussutissarsiortut piumasaqaatinut nutanut naleqqussarsinnaassallutik.

9. september 2013: Namminersorlutik Oqartussat nalunaarutinit missingiutinit suliarineqartunut tusarniaanermut akissuteqaatit nassiuppaat. Taamatuttaaq soqutigisaqartunit tusarniaanermut akissuteqaatit nassiunneqarput

Namminersorlutik Oqartussat Søfartsstyrelsimut nalunaarput pingaarnertigut isigalugu Kalaallit Nunaata imartaani imaatigut angalanermi isumannaallisaanerup sukannerulersinneqarnissaa neriulluarnartutut isigineqartoq. Taamaattoq Namminersorlutik Oqartussat aamma isumaqarput, nalunaarutit imarisaanni atuutsinneqalernerannilu umiarsuarmik sinersorluni takornariartitsisartut eqqarsaatigineqassasut, taamaalilluni suliaqartunut suliniutissatut siunnersuutigineqartut malinnissaat ajornassanani.

ⁱ Imarsiornermut Ataatsimiititaliami imarsiornermut suliassaqarfimmi Kalaallit Nunaannut soqutigisaqartut ilaasortaapput aammalu ilaasortaatitaqarput Arktisk Kommando, Royal Greenland, Kalaallit Nunaanni Politiit, Sinerissami radioqarfik, KNAPK, Arctic Umiq Line, Kalaallit Nunaanni Sulisitsisut Peqatigiiffiat, SIK, Royal Arctic Line, Greenland Maritime Solutions, Martek, Arctic Boat Charter, Orbicon, Sirius Greenland Aps, Visit Greenland, Teknikkimut aamma Nuna tamakkerlugu pilersaarusiortarnermut immikkoortortaarfik (Namminersorlutik Oqartussat), Inuussutissarsiortarnermut immikkoortortaarfik (Namminersorlutik Oqartussat) Aalisarnermut nakkutilliisoqarfik, Ineqarnermut, Pinngortitamut Avatangiiisnullu Naalakkersuisoqarfik (Namminersorlutik Oqartussat), umiarsualivinnut immikkoortortaq, (Namminersorlutik Oqartussat), Nuummi Umiatsiaatillit peqatigiiffiat.